

救
偏
瑣
言

救偏瑣言卷之六

申明貫珠攢簇怪痘

痘不在乎稀得勻卽散布雖多何害若連串貫珠有
形相似而雜乎其間者若堆聚攢簇有象可名而間
乎其內者有一於此空地雖多亦何取焉須知梟毒
深藏氣血錮閉毒無領載痘不得透故多隙地內却
受其殃其貫珠攢簇者梟毒衝突氣血不能駕馭一
任毒之縱橫凝結成條者外見連串貫珠團結成塊
者外見堆聚攢簇誠中形外信不誣也是毒頑而不

懸伏而不透。猶賊之巨魁也。此毒不治。諸痘皆爲抗。
拒。治不以攻。治之何益。巨魁授首。前途不戰有倒戈。
之勢。然世於貫珠者。習矣。不察而多忽。於攢簇者。歸。
咎于命。而棄絕焉。興言及此。亦慘甚矣。庶狀其圖象。
或得觸目經心。詳其治法。或得挽回萬一。未必無小。
補云。

遊蚕

○○○○○○

是痘貫珠成條。其形如蚕。故名遊蚕。有稀密有長短。身上者輕。頭面者重。身上短而稀。所見無多者輕。長而密。更繁多者重。重則必攻。令懸透如一赤豆莢。其毒方起。

疊錢




是痘圓圓攢簇。絕不成點。錢許之人。故名之也。僅見二三。者輕。多見者重。重則必攻。亦以藥胭脂膏封貼。更和猪尾膏大桑蟲于藕肉透之。冷毒如蒸餅。其毒方透。

燕窩



是痘攢簇。點點象似燕窩。而名者也。單見尚重。見而不一者不治。急攻之。務令懸透。如餅其毒方化。以油胭脂調入化毒丹。用綿紙攤貼。更佐以猪尾膏大桑蟲。

雁行



鴈行者。狀似遊蚕。但曲而甚長。以其排行而若鴈字也。單見者亦重。不一者更重。吳攻之。鬆若遊蚕而毒化矣。

鼠跡

是痘或四五粒或六七點相

簇如鼠跡故以是名無多者輕見於周身者重重則必攻令相併成泡其毒方鬆劑內調入化毒丹并猪尾膏

珠殼

珠殼者其痘有頂而不四圍貼附一細圈宛如珠殼無多

者輕及於周身者重重者必攻務令圓滿綻突其毒乃透

蘇沙

蘇沙者其痘扁闊歪斜無頂

無盤有細點如沙攢簇于裏宛似蘇沙而名之也。可以數紀者輕端及者重重則必攻務令高接如茨實落其毒纔化而成漿

鳥跡

鳥跡者連串三條頭簇脾開其痘若鳥之跡也單見者輕

五六處者重重者必攻亦如遊蚤蟲透為準



蟹爪

蟹爪者。貫珠連串。粒細一粒。尖稍有隱隱黑絲如髮。竟與蟹爪無異。無幾者輕。繁多者重。重者必攻。其形統脹成條。而毒盡洩矣。



履底



履底者。形似蛇皮。不若蛇皮散漫耳。隨處皆凶。其形得小。更得早圖。庶可有爲。速以猪尾膏和入。攻毒癰內。并大桑蟲蟲透之。急以藥胭脂膏封貼。令得膿水淋漓。方能慶生。

蛇皮



叢簇成片。散漫無拘。形似蛇皮。而名之也。見此不治。或見點之初。燈下照之。隱隱簇簇。細審無倫。將形未形之際。即便攻之。佐以猪尾膏破之。不使其成。庶可有爲。

蟬窩



蟬窩者。較蠶錢而更大也。另別其名者。其形大。其毒亦更重也。卽屈指無多。毒已不淺。攻之自不容已。佐以大桑蟲猪尾膏。外亦以藥胭脂貼之。得膿泛平。搽方可成膿。

螺疔



其毒頭大根尖。項黑形若螺。肉深入于肉裡。有大小。有深淺。按其四圍板硬。治法見於餘毒。若放點時而卽見者。最惡。先以挑鬆。卽將應服之藥。大人含于口中。吮其痰涎。用此法。



紫背疔之形似萍。其色似萍之背。紫而帶點。有大有小。目之有點。手按無形。無幾便重。繁多者莫救。急宜攻毒破瘀。務令漸淡淡而退去。方可回生。必須早圖。

環珠



是痘連串環繞。故以是名。有臂因鐫阻。痘卽如鐫而達者。有項以圈繫。痘卽如圈而聚者。於臂稍輕。於項則重。因阻猶重。無因更重。不特項臂爲然。頭身亦有之。凡見宜攻。

遊蚕治驗

吾宗漣漪。四歲一愛身熱如火。神情昏憤。兩頰通紅。鼻衄成流。身上隱隱數點。色滯乾紅。以必勝湯減紅花地龍。加玄參。二劑後。紅中泛點細碎如麻。周身稠密如鋪而多遊蚕。珠殼亦間乎其間。前方服至三朝。兩頰界地未清。却成顆粒滯色畧轉。每劑和大桑蟲一枚。六朝滯變爲紅色。猶如絳唇口腫裂。前方減蟬蛻葛根。加黃連石膏。七朝放白珠殼泛頂。九朝遊蚕統脹成條。時或咬牙腹痛熱猶

火熾十一二朝頭收斂而痲燥身漿滿而盤暈猶赤神情尚困而未舒以一方貫及十六朝發臭異常二十朝諸症頓愈寢食得安而收全功後左眼赤痛多淚以撥雲散治之得痊

螻窩治驗

張又卓兄一小公郎方一歲一日壯熱如烙徧體如霞痘不甚密色滯而平有螻窩見於手背神情愁楚不時叫哭是腹痛使然以消癰快毒湯加大黃臨服和桑蟲一枚日服二劑手背以胭脂封貼

六朝霞色清。愁眉散。手背鬆浮泛白。七朝氣尊血
附。俱放白成漿。熱勢減半。去大黃。蟬蛻黃連。加連
翹。玄參。日服一劑。十二朝回好。

疊錢治驗

一錢氏子。四歲。痘在五朝。唇裂掀腫。體熱如火。頭
面稠無隙地。身上疎朗。板實紫紅。四肢胸脇。疊錢
者不一而足。躁亂不寧。以涼血攻毒飲。加山查地
丁。減犀角。和大桑蟲一枚。日服二大劑。更以金汁
日服盞餘。外用胭脂膏封貼。至八朝。鬆泛如蒸餅。

十朝通身漿足。十二朝發臭收結。十四朝身熱始和。寢食俱安。方易忍冬解毒湯收功。

珠殼治驗

韓尺龍兄。一公郎六歲。乙未仲夏。一日忽體熱如
爐。頭面通紅。神情昏憤。見痘稠無餘地。僅不細碎
盤若塗硃。內有珠殼幾半。以涼血攻毒飲。倍生地
大黃。去紅花紫草。加玄參地丁。四朝加黃連。每劑
和大桑蟲一枚。五朝神情清爽。七朝珠殼皆透。減
蟬蛻葛根桑蟲。九朝漿足。十朝紅暈漸淡。飲食漸

進頭面收結。十二朝壯熱方和。遂去大黃。減生地及牛。十六朝回足。如此血熱。不致帶火成痂。爬肌抓肉。大黃生地荆芥之力不淺也。後以忍冬解毒湯調治。落痂未久。腠理未固。餘毒亦未能盡淨。見風太早。忽爾昏暈。急以疏風消毒飲而愈。

鼠跡蕪沙治驗

吾宗個如一子。一日身熱如火。汗出如油。神情困苦難支。似痘非痘。數點隱隱于頭面。色滯乾紅。痘本是而若非。且熱如火。汗如油。非惡痘不爾。以清

熱透肌湯。未用生地。加大黃。二劑後。次日頭面細
碎如麻。身上見點處若集。隱伏處若無。此氣爲毒
滯而通塞不均也。又二劑。頭面顆粒分明。色亦覺
潤。汗卽頓收。徧體湧出。內間鼠跡蘼沙。難以數紀。
囊窠不鬆。色近于白。此血爲毒鬱而未著。非血虛
白也。不則有一體兩局者乎。前劑每服和大桑蟲
一枚。五朝窠脚漸鬆。囊頂未起。色轉深紅。神情得
定。熱不稍減。前方重以生地。加黃連石膏。至九朝
頂綻。食稀粥碗許。十一朝。鼠跡與蘼沙俱得統服。

如泡而漿俱濃。十四朝盤暈始淡。頭面收結。十六朝身得溫和。冒氣日強。方易忍冬解毒湯調治。至二十朝收功。弗藥。

鴈行治驗

有一段氏子。三歲見痘三朝。兩顴細如蚕種。背多雁行。更有蘆沙間乎其間。椒紅其色。叫喊不已。熾熱如焚。以清涼攻毒飲和桑蟲一枚。日服二劑。四朝顴卽成顆。六朝色卽紅活。八朝怪象俱統。脹放白。十朝漿足。猶然愁楚。不能進食。一方服及十四

朝眉宇方舒得進飲食身體溫和一朝霍然收靨落痂而愈

蛇皮治驗

一女年及十四歲倏爾身熱如火神卽昏憤兩眼如畏刀鋸徧體如霞痘未及見死期若將至矣卽以大黃石膏一兩生地七錢佐以荊芥赤芍青皮芎根木通牛旁日投三頭汁次日午後見痘細似黑沙色似礬硃通身無一隙地前方又服四劑卽成點粒却稠密如鋪方叫腹痛畧知人事大渴下

已揭衣棄被前方加黃連犀角生地兩半并大桑
蟲服至九朝始得紅潤周身起脹十一朝貫漿連
成一片如松皮不能轉側大便日去四五次水米
不沾十四朝發臭滿室頭將收結唇黑如煤身若
寒戰熱仍如火一方貫至十六朝頓思飲食夜臥
得半熱渴稍減二十朝外痂成一片如蛻一殼得
脫此難方易忍冬解毒湯月餘全愈約用大黃觔
半生地石膏二觔餘是痘得治于未見之前更得
首尾一轍庶得挽回若令見點其勢便成牢不可

破矣。

蟹爪治驗

中介閔老先生。三公郎。方半週。痘出稠密如鋪色。滯乾紅。窠粒平板。內多蟹爪。身體壯熱。脉惕筋抽。時在二朝。以鬆肌透毒散。加大黃七分。和入桑蟲錢。許一枚。日服二頭汁。次日粒數卽磊落。四朝紅潤。八朝鬆泛。九朝行漿。遂減大黃。十朝安睡。乳食如故。大便如常。收回而愈。

燕窩治驗

徐明涵一孫。身熱如火。燥炙如烟。兩頰通紅。頭面
胸腹肩背四體。痘密無容針之地。頂陷囊實。乾紅
紫滯。叢簇象燕窩者。在于大股。大便日去三四次。
始事者。以斷無生理而勇退矣。余取其囊厚色老。
雖密成顆。可食者此耳。以大劑必勝湯。用大黃五
錢。生地兩許。加石膏兩半。每服和一大桑蟲。日進
二劑。服及六朝。頭面起脹。眼封鼻塞。八朝。胸背鬆
透。色轉紅活。頭面成漿。十朝。燕窩綻脹如蒸餅。身
漿亦足。第熱猶火熾。愁楚未舒。自膝至脛。猶紫滯。

不鬆。至十四朝腐爛作臭。漿及足脛。邪毒盡發于外。寢食頓復。方易忍冬解毒湯。成痂落靨。至十八朝收功。弗藥用大黃一觔。生地石膏二十餘兩。痘後大便但嫌燥結。

鳥跡治驗

吳大雍兄二公郎。八歲患痘。顆粒頗朗。有鳥跡其形于肩背。兼多珠殼。囊窠通身平實。乾紅色滯。烈熱如炮。愁容可掬。云胸膈煩悶難堪。以涼血攻毒飲。重以大黃加石膏地丁山查。四劑後胸膈漸寬。

滯色漸活。莖紅艷若絳。前方加黃連并大桑蟲。每服和入一枚。又六劑。頭面通身起脹。鼻塞眼封。惟鳥跡與珠殼未鬆。毒根猶未透也。更倍以大黄地丁加山甲。至八朝。珠殼者圓綻如珠。鳥跡者統脹成條。九朝膿漿克滿。飲食大進。大便不過三四次。終是燔熱不減。紅暈焮赤。前方減山甲蠟蛻紅花。倍以石膏生地。服及十朝。熱漸減。赤暈漸淡。頭漿斂而身漿徧減。石膏大黃。十二朝收痂過半。險變順矣。是晚徹夜不寐。氣粗頓悶。腹脹如鼓。變出意。

外若以爲伏毒未盡。而囊無不綻。漿無不滿。若以爲餘毒歸內。而血收已盡。痂厚而肥。決之于脉。氣口洪滑有力。知其飲食停滯。寃之果然。以寬中透毒湯。減陳皮。加萊菔子。大腹皮。外用山查二兩。麥芽一兩。煎湯代水。服二頭汁。腹卽轉動。隨解而寃。嗣以忍冬解毒湯調治收功。

頭面遊蚕治驗

同袍鍾徽老。九歲一公郎。見痘一朝體不甚熱。囊窠不懸不實。痘色不潤不乾。痘頗疎朗。似乎險中。

之順及神情則愁楚異常云胸膈鬱悶目睛昏定
身無安放此伏火伏毒之兇象也以必勝湯去桃
仁生地連接二劑次日額上發起寸許血絲兩條
一橫一直如反手丁字此非尋常血絲路也貫珠
而未能透耳更以豬尾膏每服和入盞許又二劑
至晚漸粗如線繼而更粗如芥仍以前方和大桑
蟲每服一個五朝方透點于血條密排二十餘顆
遊蚕最惡者也身體大熱紅暈如硃胸膈稍舒原
用生地減紅花葛根蟬蛻加黃連石膏大便日去

五六次飲食未思至九朝諸痘峻頂放白成漿其
遊蚕亦綻脹成膿纔撤猪尾膏寢食得半熱勢未
減前方服及十二朝胃氣大開夜臥甚熟體漸溫
和漸次收結而且嘻笑自若矣前方減大黃石膏
黃連加金銀花貝母次日忽然昏暈神色俱變按
脈無影變出意外然以如是收局自非隱毒攻心
尤非真元虛脫須知遊蚕既見于頭面而第見血
絲越三日而後見點此毒伏而又深故前局乃爾
結局亦自宜有此變餘毒驟湧一時難以發洩是

冒悶之使然。猶傷寒冒汗之象也。仍以發始前方連投二大劑。發出如芥如麻血疹一身。卽時開爽而安。又以消癰快毒湯二劑。嗣以奏凱和鮮飲。調理全愈。喜主人明理。始末信從。不則未必不致虧于一簣也。

履底治驗

有馮其姓者。江右一遊客也。年踰不惑。一日壯熱煩渴。目紅腹痛。沖沖欲嘔。疑以感寒。烹茱萸湯二碗下咽。俄頃煩渴倍甚。吐血水碗許。內有血絲。

邀余診視其太陽有二三點是痘顆粒不鬆乾紅色滯余曰見痘矣此翁愕然曰痘果未曾今在客館奈何余以無恙慰之連接消癰化毒湯用大黃三錢二劑後湧出一身細者半粗者半紅艷如硃稠密如鋪熱更如炮倍以大黃又加石膏并生地俱兩許臨服和豬尾膏半茶甌日投二劑次日三朝痘即疎明細碎者不知從何去矣色亦可觀煩渴減半而熱仍熾有履底者三寸長寸餘闊見于兩小股按之板實而痛以胭脂封貼前方配大棗

蟲每一服一枚。六朝眼封鼻塞。八朝行漿。履底鬆。
擡前方滅蟬蛻。棄蟲。加牛膝。十二朝忽思粉食。以
糯米水圓食之。甘。神情爽朗。自上而下。次第收結。
履底成膿。滅大黃石膏。加金銀花貝母。十四朝兩
小股腐爛。作臭。廿餘朝全愈。

環珠治驗

一兒三歲。忽身熱如炮。膚紅若錦。煩躁啼號。次日
痘卽湧出。稠無隙地。兩頰如泥砂。乾紅滯色。臂上
鐫痕。痘如纍珠纏子。密密環遶。又有錢許大者。一

在于肩。一在于脛窠粒板實界地連環紫滯。以必
勝湯減蟬蛻地龍加黃連止服二劑。次日頭面周
身卽疎朗成顆色俱明潤。痘若改換惟四處環珠
形色如故。症亦未減以一方服及十二朝痘得次
第應手。症亦逐日平復以忍冬解毒湯調治收功。
其下圖像

指貫珠攢聚或見於頭面或見於周身部位者也

覆釜



兩截



是痘盤聚于巔頂。如釜之覆。名曰覆釜。是毒參陽位之一症也。其餘疎朗明潤者。以鬆肌通聖散和猪尾膏化毒丹治之。外用胭脂膏搽貼。更稠密火熱者。必加大黃。令膿水腐爛。其毒方化。是痘上與下。綿密如鋪。中段絕無一點。梟毒擁于上下。氣血阻于中宮。以致上下隔截。痘之最惡者也。首尾一以攻毒為主。佐以猪尾膏地龍。令氣血疏達。要截處得散散透點。方可挽回。

蒙頭



腰纏



是痘遶頭貫頂有似兜帽故名
蒙頭毒參陽位之首惡也餘更
稠密火熱者不治治則必攻與
覆釜同法必早圖可挽有獨聚
于天庭者亦是蒙頭餘若疎朗
明潤體不熾熱者不必用大黃
腰者腎之候也連串環繞於此
緣毒伏於腎而有此象貫珠之
最惡者也餘即疎朗不得視以
爲美治必以攻得此鬆擡繞成
一圍如豇豆莢方不爲害不則
痘縱可觀九朝忽然則亂變焦

托腮



口鎖



頷下亦腎經所屬。痘瘡攢成一
片。是爲托腮。清氣爲其所阻。頭
面必不能起身。更可知。痰湧氣
喘。可立而待。從來不治。若見點
之初。毒勢未成。以治蒙頭之法
治之。亦可救援。二三速宜封貼。
雙鎖口者。兩口角。左右一粒較
旁痘獨大。板實而無盤者是也。
此毒擁于脾。而有此象。口乃脾
之竅。飲食接送之門。可令毒藏
此地乎。治法輕重。與覆釜一轍。
有連串。透于上下唇畔。亦是。

鎖項



攢背



項係水穀之路。呼吸出入之門。痘疹連串環繞于此。是毒鎖咽喉。與托腮無異。咽啞水噎。皆由此致。俱屬不救。但得放點之初。卽以清金攻毒飲。并猪尾膏。杜患于將萌。容有可起。毒發於背。便關生死。况痘攢簇。隨地皆凶。而可令此地犯及乎。攢而得鬆者。以鬆肌透毒散。合化毒丹。猪尾膏治之。外以胭脂膏貼。攢而更板壯熱如火者。必攻須得腐爛。方可慶生。

胸 攢



胸與腹俱逼近臟腑。攢胸猶之
囊腹。調劑之法亦與攢背同。

腹 囊



腹近五內。猶之同室。與他處不
同。一有變症。毒卽入裏。捷于反
掌。但此地空隙。而未得爲盲者
矣。未有此聚如囊。而得無恙者
也。治法攢背同。

咽關



抱膝



咽關當喉攢簇而犯疊錢者也。若蟻窩則尤重矣。咽與項皆水穀之路。呼吸出入之門。其害與鎖項無異。鎖項之害病在環遶。咽關之害病在攢簇。治法與鎖項同。更以胭脂膏貼。兩膝攢簇如餅。毒聚于此。漿不能達足脛。而致虧于一簣。餘地無疵。更無內症。止以鬆肌透毒散。加牛膝。合化毒丹治之。并用胭脂膏貼。更多惡象內症者。必攻。

唇鎖



骹蒙



唇者脾之華。脾臟安和。痘不相及。更得溫潤。不則攢聚于此。有黃熟如蠟。有嘴突如雷。有黑硬燥裂而血迸。皆毒攻于脾。象見于唇。如無他症。瀉黃散合猪尾膏治之。更壯熱如炮者必攻。

痘攢簇于耳後高骨。是謂蒙骹。亦腎經伏毒之一徵也。頭面餘處皆稀。止此犯忌。以鬆肌透毒散。加玄參合化毒丹猪尾膏治之。外用貼法。更稠密而炮熱者必攻。

披肩



披肩者。如其肩而斃聚也。較之於背稍輕。然臟腑真氣所聚之處。卽鼠跡蘊沙。尚屬可畏。而況攢布成片乎。此毒不鬆。真氣銅閉。上下阻塞。治與攢背同法。

抱鬢



鬢接太陽。泉毒起伏。於此取驗。痘症若重。鬢極稀疎。必此地掀腫如蓮瓣。以及正面腫脹如毯。毒根方透。不則此地不脹。卽通身光壯。毒根猶伏。厥後終敗。可令犯忌于此乎。治法與蒙髀同。

鱗坐



毬囊



鱗坐者。其臀攢集如鱗也。穴屬環跳部位。又至陰之地。故發漿。不過環跳者不治。平而乾滯者。鬆肌通聖散。加牛膝。板而紫滯。且熾熱者。涼膈攻毒散。減豆根。亦加牛膝。俱合化毒丹。并貼法。痘得陰陽和暢。雖密無咎。陽毬乃下焦陰陽交會之所。故陰上先收者吉。取其下焦和暢也。於此若囊毒壅交會可知。上下相因。下壅則上閉。治以散結湯。化毒丹。熾熱者加大黃石膏。

覆釜治驗

歐餘方老先生三歲一公郎。痘頗疎朗。却色滯乾紅。有平有陷。顆粒不鬆。至巔頂盤集。覆釜其形。是毒參陽位之一症也。以鬆肌透毒散。和大桑蟲。雖見起發。不能光壯。早欲用猪尾膏化毒丹鬆之。因與一不韻者同事。阻及七日期。滯而更燥。陷而漸板。愁容可掬。不容復緩。前方減羌防。加荆芥當歸。臨服和猪尾膏。并化毒丹。連接二服。外用胭脂膏搽貼。身卽壯熱。頭面掀腫。通身光壯。却徹夜無眠。

以毒火潛伏日久。藥與鏖戰。以故不寧。藥得其勝。
氣血暢達。故得煥發。不韻者。不諳是理。第見擾亂。
歸咎于生豬血而致變。料不能起。勇退而去。舉家
悲泣。孰知豬尾膏。最能透伏毒之深藏。毒血內瘀。
非此不活。更有化毒丹。潛消默奪。而共濟之。毒根
自不容藏。次口卽安睡。九朝漿行。壯熱如燔。前方
減白芷。蟬蛻蜂房。加黃連生地。十一二朝。漸漸收
茄。豬尾膏遂撤。巔頂燥痒之極。仍不能寐。以荆芥
穗金銀花茵陳大黃地丁甘草煎湯止浴其頂。拭

乾復以胭脂膏貼。而痒卽止。仍復貫漿。堆結甚厚。餘熱未和。痘痂亦燥。前方倍加生地。臨服調牛黃半分。珠末一分。日進二服。至十五朝。日漸回和。口内生疳。以忍冬鮮毒湯。外用消疳散。又數日全愈。

蒙頭治驗

孝廉王乃老。一公郎。未及三歲。體薄而兼病後。及見痘。蒙頭鎖項。攢胸攢背。兩額細碎。滿腹斑點。皆紫背浮萍。痘色晦滯。宛似蒙垢。痘犯不治。不一而足。所希冀萬一者。惟在初見。毒未有定位耳。以必

勝湯。臨服和猪尾膏。蓋許。外復以牛黃半分。珠末一分。總勻在內。日服二劑。次日色卽有紅意。兩顴便成顆粒。四朝胸背覺磊落。鬆綻。惟頭與項布而不清。却亦鬆泛。腹癰漸淡。漸退。六朝浮萍悉退。前方減葛根。桃仁。八朝漸漸放白。但寢食俱艱。眉宇愁蹙。九朝漿行。未能克溢。時或乾嘔。身熱驟熾。聲音半啞。以毒火湧洩也。以涼膈攻毒飲。十朝頭面夾紙鬆擗。有膿漿滲漏。身漿幾足。十二朝收痂少潤。寢食僅半。眉宇未舒。十六朝燥痂復泛。口内生

疳。以消疳解毒散。日吹三四次。二十朝外。方得全愈。是痘始以必勝。繼以涼膈。佐以豬尾膏。化毒丹。總以攻毒導瘀。而保元拓裏腐談。從不講及。痘得保全。而卒無虧于本體。見有病病受如此。

兩截治驗

予一孫。歲未滿週。仲冬一日。忽然發搐。口眼歪斜。周身肉潤筋惕。兩眼徬徨。以清肝透毒散。加羌活。臨服調入牛黃丸七分。灌下逾時。神醒。身卽壯熱。次日便見痘頭。而細密如麻。上自肩至乳。下自臍。

至足稠無隙地但得成額中段絕無一點此兩成
痘也日夜叫喊不已急以必勝湯減桃仁加當歸
佐以猪尾膏日進二頭服四劑後大便去毒垢甚
多頭面便成顆粒身上漸得粗壯大便日頻晝夜
約去三十餘次繼之清水若溺夜即安睡遂減大
黃至晚仍復叫喊痘即奄駐不得已而復用晚又
安睡次日漿勢沛然乳食大進食之以糯米細圓
甚喜十劑頭面堆結甚厚但欠肥潤神情大快第
身熱未和不免以大熱一退虛寒繼至爲虞大黃

不敢復用。停及一日。燥痒難禁。滿面搔破。熱血成
流。又喊不絕口。與食則拒。要其所以然者。以痘犯
肉。截壅塞固閉之毒。餘氛未殄。害仍竊發。不得以
輕鬆者。概論也。力主前方。第減葛根。紅花。蟬蛻。加
石膏。依參黃連。是方服過十六朝。始得全愈。胃口
甚強。痘後精神頗旺。

攢背治驗

雉城臧以用兄顧渚老先生之孫也。幼時出痘。犯
攢背。頭面胸密如鋪。肩背以上。紅深如絳。以下紫

若胭脂。身體燔熱。神情昏憤。以必勝湯。用生地。可
許。減紅花。加石膏黃連。自三朝服。及七朝。大便日
去四五次。通身色轉紅潤。背得鬆浮。減葛根。至十
朝。頭面漿足。背得腐爛作臭。餘亦成漿。唇黑如煤。
熱猶火熾。一方服至十四朝。全愈。時有同事。日以
脾胃爲慮。余曲諭之。得不拒有成。

鱗坐沙城

一邢姓者。六歲一兒。痘及五朝。全不起發。日夜躁
亂。如蚓在灰。舉家涕泣。以爲必斃。痘頗疎明。按之

不鬆根窠紫滯頂陷而黑至環跳處贅聚如掌犯
鱗坐形伏毒深藏抗拒諸痘始事者但知疏肌透
發而不諳其故毋惑乎暢達無由日奄滯而至猖
厥也急以窮源透毒散和猪尾膏連投二劑更以
大桑蟲酒漿調服二枚外以胭脂膏貼次日便覺
鬆泛又二劑七朝痘卽峻頂成漿神卽安爽但環
跳處鬆而未腫服及十朝漿湧連紙鬆擡如蒸餅
嗣以忍冬解毒湯十二朝收結成功

纏腰治驗

一徐氏女四歲痘期兩日甚勻朝稀疎却陷而不
鬆紫而乾滯身熱如烙兩腰貫珠環遶而犯此症
是毒伏于腎珠之最惡者也日期尚淺餘痘尚
疎猶可挽回恐此翁不明是理辭之弗任不期此
翁止此一女豫爲痘計屬意已專以予弗任大慟
哀懇情甚悲切以必勝湯加牛膝黃連石膏稍用
炒黑麻黃以行之并和猪尾膏連服二頭汁腰痛
難忍繼之于汗而欲解解後而痛卽止便云爽快
次日三朝凡服藥後景况亦復如此至八朝而痛

不作矣。然其所以然者。伏毒之症。犯幾期敗者。日
期未至。毒雖暴烈。猶未作難。以、尚伏也。故爾得
安時。師不諳而多忽。殆至發矣。已潰而無及
矣。見于機先者。攻之而不容其而未潰

遷降。藥毒鏖戰。自不能寧。至於藥

而貼

矣。何痛之有。嗣後放白成漿。腰間纏毒

殼。豇豆漿亦滿圓。但熾熱未和。飲令去

蟬蛻。桃仁。莠根。紅花。麻黃。服六十二朝

收結全愈

托腮治驗

吾宗叔澹五歲一愛烈熱如爐不及

見于地角頷下細如針頭而色近白托

成托腮之類已露正面周身所見俱不

繫紅徹夜躁亂將來攢簇惡象皆可冇者痘鄰於

逆所集者惟在初見以必勝湯減桃仁加石膏佐

參日服三大劑頭汁卽用胭脂膏封貼次日正而

與身卽成顆粒却無隙地是方和大桑蟲每服一

箇五朝神情得安七朝圓綻肥紅地角頷下隔紙

鬆綻亦得纍纍前方減蟬蛻乾葛十朝漿甚克滿
惟壯熱未和盤暈。煖紅飲食不進。大便日解五六
次。皆毒垢。十一朝正面堆沙。漸次收結。以及周身
十三朝。胃氣頓開。痘痂尚燥。紅暈未得全收。服至
十六朝。諸象回春。始終以一方成之。纔以忍冬解
毒湯加生地。二十朝全愈。弗藥。約用大黃二十餘
兩。石膏二觔。

囊毬治驗

一李氏子。三歲見痘。兩朝色似胭脂。項陷不鬆。火

熱如烙。煩渴不已。至陽毳攢簇。宛若荔枝。腹內求
瑜。惟磊落耳。以消癰。快毒湯。加大黃。石膏。桃仁。地
丁。山查。服及五朝。得鬆。六朝。見色。猶然絳色。前方
減桃仁。蟬蛻。九朝。漿足。紅暈未淡。熾熱復然。時生
地已幾十餘兩。黃連一兩餘矣。至十二朝。熱得稍
緩。紅暈畧淡。寢食亦以之而稍安。前方減石膏。十
四朝。先收者。疤赤而多浮皮。後結者。焦痂而紅暈
猶附。體膚燥熱如初。夫固餘毒之先機也。不越二
日。神卽昏迷。從頭至足。於空地及疤內。重出一身。

似痘非痘不成顆粒。脚地糊模。色如塵垢。無一隙地。上則抱鼻而更層繫。以及人中下復囊毬。以及小便紫腫痛楚非常。仍不能寐。稀粥與之則嚥。不與則不思。而痘復始矣。較前局更惡。此名謂檣杪痘。檣杪乃惡獸。其性交覆。痘與相類。故以是名。此痘古來有之。第罕見耳。窮源透毒散。減山甲歸尾。加桔梗牛旁生地黃連金銀花青橘葉。臨服調牛黃化毒丹。錢許四劑後。色漸紅而猶滯。囊漸壯而漸平。服及五朝。仍眼封鼻塞。七日行漿。通身滿

漸堆沙收結。痂成一片。十餘日而褪。及過半。頭面
黑硬堅牢。反不能落。其鼻聳抱如螺。拂及則痛。人
中亦爆裂迸血。其小便龜頭於中段。腫處頂出。陽
毬老爛。抓肉爬肌。眉宇不舒。餘熱不解。前方重於
生地兩餘。黃連二錢。以金銀花湯。服及月餘。
而熱始和。痂始鬆。以熟猪油調。搽其頭面。
而得褪。改形換相。非初褪時面目矣。嗣後寢食俱
安。調理收功。人中與陽毬俱陰陽交會之地。惡毒
上下開鎖。痘故如此。若不開闢于前。亦烏觀其後。

句若此也。

抱髮治驗

嚴君敦兄。一小愛。歲未滿週。痘鄰于逆。先見於兩
頰。櫻簇如麻。繼而頭面通身。徧及無餘。色近於白
而窠粒卒不鬆。體不甚熱。而神情卒躁亂。似虛似
實之間。然虛者僞而實者真也。兼於脉惕筋抽。不
時乾嘔。兩目預腫而預合。種種皆伏毒之象。而况
自驚其形。伏毒已先昭乎前乎。一不韻者。認爲氣
虛。痘反有隱意。勢甚猖獗。急以涼血攻毒。飲以常

歸易生地。減赤芍。加山查。地丁。甘桔。和乘蟲一枚。
日服二劑。四朝頭面有鬆意。根窠稍有紅暈。眼腫
減半。閉而復開。生機在此。七朝身體壯熱。頭面起
脹。頂白根紅。眼封鼻塞。有行漿之勢。大便日去六
七次。身尚復然。餘症未減。前方減蟬蛻。葛根。原用
生地。加黃連。服至十二朝。身得鬆透。寢食得半。下
部痘瘡板實。皮肉擁腫如炊。前藥加牛膝。羌活。更
以牛黃化毒丹。日以五分佐之。并大葉蟲。至十八
朝。身漿始沛。并及足脛。二十餘朝。上襖下結。前症

日愈。惟眉宇未舒。眼開有瞤。口内生疳。頭角與小
肢起一大毒如拳。以忍冬解毒湯加羚羊角羌活
赤芍地丁胡桃口內吹以消疳散。至月餘全愈。約
大黃四十餘劑。瘰癧大小約有六十。

申明惡色并治法

痘之色。血之見乎外也。血和則紅淡而潤。紅深如絳。
則血熱之燄昭然。熱若鬱而不透。則火燄不發而紅
自乾。乾而至于色類椒皮。榮失其榮而血幾於死矣。
是紅之最惡者此也。熱劇則血瘀而色紫。紫而艷雖

瘀而猶可活。紫至于滯則血被毒囚而內攻幾成矣。是紫之不堪者此也。黠滯青連可無擬治法矣。是紅是紫皆熱毒肆虐。在所必攻。然攻有不同。當分隱見。其隱與見之分。總以身之熱與不熱辨之。身熾熱者。熱毒燔灼。其血沸騰。攻宜與涼血清火並行。大忌辛燥。卽當歸在所宜禁。以血中之辛藥也。體不熱者。熱毒固閉。血如膠漆。攻宜與導瘀活血共濟。大忌寒涼。卽生地亦所宜禁。以血中之涼劑也。然辛燥尤不可。揆總令血得其和。歸于紅潤斯爲良法。

附紫滯治驗

張武老一繼愛三歲。一日熱如炮熾。次早卽見痘。一齊湧出。稠無隙地。通身紫滯。神情躁亂。大渴不止。凡毒火燔灼於放標時者。是痘爲火裏苗。若不清其源。而但以疏肌透表爲發。勢必至焦黑而內潰矣。急以消癰快毒湯。加大黃石膏桃仁。服及六朝。色轉紅活。顆粒亦鬆。熾熱未減。至八朝晨刻。放白。午刻而漿卽肥濃。以見血熱之痘。患火不清。一清而轉移之象勃然矣。寢食猶未能復。外以牛黃

一分珠末二分。以佐前方。至十二朝發臭燥熱頭
和寢食俱安。漸收漸結。痂似松皮。嗣後又發血癰
瘡。終不外涼血解毒之劑。調治而愈。

附絳紅治驗

顧佺仲兄。韻翁老先生之公郎也。六歲時出痘。頗
勻朗粗綻。却紅艷如絳。燥炙如火。腹內時痛。神情
煩躁。徹夜不寐。此火炮于外。而內又毒伏也。以清
涼攻毒飲。減紅花加赤芍。服至五朝。痛止肌潤。得
喘前方加甘草。至七朝。絳色漸淡。頂白而肥。八朝

藥卽肥濃。大便日解五六次。熱亦減半。飲食漸想
前方去大黃石膏犀角。加連翹玄參。十朝頭面先
收。痲燥而白根底。隨附線紅。至晚身復壯。熱睡不
甚安。是後求餘毒之漸也。復用石膏。倍加生地。外
以牛黃一分。珠末倍之。和於劑內。日進二服。至十
六朝。俱得平復。後用忍冬解毒湯。調治收功。

附礬紅治驗

雉城臧玉老。八歲一孫。身熱如炙。口渴煩躁。痘甚
稠密。面色礬紅。三日期矣。始事者第以升發爲處。

乾而幾黯躁亂愈甚。身無安放。以必勝湯用大黃三錢。加石膏黃連。日服二大劑。五朝頭面紅潤。身尚未轉。七朝面部放白。行漿通身乾而得潤。神情半爽。八朝成漿而迅速黃熟矣。漿近板黃。凡血熱之痘。烈火一透。漿無漸次。惟嫌太驟。漿無不滿。惟慮板黃。板黃者。火竭倒靨之象也。倍大黃五錢。石膏生地兩餘。三劑後漿色潤澤。大便日去五六次。飲食稍思。熾熱未減。其外祖王氏至。見此藥劑。大以爲怪。停及一日。是晚躁亂如初。次日炮熱更熾。

身戰如寒漿殆變而躁實矣。悉如前方。連接二劑。振戰卽定。再劑而漿色復潤。紅暈亦漸收。漸淡服及十四朝。虐燄將熄。寢食漸安。遂弗藥。聽其自回。厥後通身泛疤。環跳處起兩癰如拳。痛楚非常。以忍冬解毒湯加羌活赤芍服及十餘劑而愈。

附椒皮治驗

小莆黃元澄兄。一公郎。今之長公也。稟賦甚薄。時方二歲。出痘於癸酉春。體不見熱。徹夜擾亂。叫不絕聲。口腭如脂。痘無容針之地。晦色者如蒙垢。乾

紅者似椒皮。顆粒不鬆。此毒伏于內。體故不熱。口
賊擾亂。以氣血受錮。神故不著。眊色椒紅。表裏俱
開。痘鄰於逆者也。法當攻其伏。不使毒橫於內。制
其毒。使氣血發。煌於外。庶得挽回於萬一。若以稟
薄爲慮。縱毒肆虐。是不知務者矣。以鬆肌通聖散
加大黃。減羌活白芷。以其燥也。臨服和猪尾膏半
盞服。及三朝。如水交石。大便日去六七次。眼卽矇
閉。唇口腫硬。亦毒參陽位之一症也。前方佐以大
柴胡。每劑一枚。服及六朝。身體頓熱。唇黑如煤。痘

色變紅而却燥。仍以前方加生地黄連。減蜂房赤芍。至八朝滯色悉退。放白而不能肥。須叫依然。面腫若有退意。是伏毒未能淨盡。而氣血一時不能克達故也。權宜之際。減大黃青皮。用參七分。芪一錢。而暫充之。和入大葉蟲一枚。二劑後痘卽肥。泛面卽光榮。眼縱推脂。熱却如火。凡熱毒之症。乍虛乍乏。與虛寒之症不同。一喚卽醒。醒當卽止。今熱如火。雖烈仍在。以消癰化毒湯減蜂房赤芍。日投二劑。針以牛黃一分。珠末二分。以佐之。服及十劑。

漿滿十二朝黑睛鬆褪神情始寧乳食大進痘毒
終燥身熱未和服及十六朝發臭臂與膝生而毒
減生地加當歸金銀花貝母廿朝外俱得平復收
功。

附紫艷治驗

有一朱姓之子三歲痘在五朝熱如火熾痘色紫
艷若花內雞冠唇裂迸血亦紫躁亂如蚓在灰厥
父母涕泣以爲必無幸矣然猶可冀者面目掀腫
雖紫能肥速以必勝湯重以大黃五錢生地兩許

加石膏亦如其數減紅花蟬蛇服及七朝紫變爲紅纒卽放白成漿次日便老更喜烈熱漸解前方去葛根枳仁紅花加佗參重劑減半又四劑回姪申明四毒頂

痘貴綻而紅活平平若烙炮者其頂若斃而平其色若熟而腐白也痘貴氣尊而血附下陷根腫者頂若榮莖而脚不鬆也一平一陷均氣爲毒滯一毒上壅而不得榮于囊殼一毒下鬱而不得透于頂尖治法皆所當攻其熾熱者重攻而寒之熱不甚者輕瀉而

鬆透之。如煤類火燒者。其色焦黑。似乎火炷者。然
頂尖圓者。本是妙境。而色焦紫。形亦何足取也。斯二
者。均血被火灼。血劇則變也。大都不治。得無他症。而
顆粒磊落者。容或可治。熾熱者。攻而寒之。更導其瘀。
熱不甚者。攻而導之。兼達其閉。

附頂平腐色治驗

同袍陳宗老。止宜老先生。長公也。出痘于幼時。顆
粒亦朗。其頂平平。若爲火熨者然。其色白如宿腐。
盤暈歟。赤心煩壯熱。以滌邪救苦湯。去澤瀉。加地

丁生地丹皮日服二劑。大便日解二三次。次日三朝。佐以大乘蟲。每日二枚。前方服及六朝。頂漸起而根漸活。宗老岳翁舉其族中一同道至。以頂平而白。認爲氣虛。拘古法而傍日期。立用保元湯。陳老先生明理。信任弗貳。前方服及十朝。減滑石紅花。乘蟲服至十二朝。亦得次第奏効。十四朝收癰。燥硬身熱未和。根底尚附線紅。此熱毒未盡。將來餘毒之象也。倍用生地兩餘。外加石膏亦如其數。并金銀花。仙參貝母。十六朝餘毒聚于頸項。腫痛。

非常強直不能俛仰。周身浮起。寢食俱廢。又加地龍五條。一方服。及廿四朝。始得脫然全愈。

附頂如煤治驗

王偉之兄紹賓。老先生之孫也。一公郎三歲。痘密如鋪。邪發。唇紅。其頂黑如煤。儼若火燂者。大都是半。身無安放。體不甚熱。以毒伏於內也。以必勝湯每服和猪尾膏半盞。服及三朝。更和大桑蟲以佐之。七朝。頂與邪發俱轉紅活。減桃仁乾葛蟬蛻加當歸。八朝。身體壯熱。有放白成漿之勢。飲食大進。

神情開爽。見景象進長。恃爲無恐。而藥卽懈弛。次日仍復躁亂。燥痒難禁。兩額搔破。痘色變而紫滯。悔之無及。速以臘脂膏貼其破傷之處。前方加黃連重以大桑蟲一枚。和於劑內。連接二服。諸症減半。兩頰膿水滲溢。痘色復轉。繼而成漿結痂。神清寢食俱安。以一方貫之。十六朝而得收功。

附頂陷根腫治驗

有一陳氏子五歲。見痘于隆冬。頂陷且深。時雖嚴寒。却煩渴躁亂。唇裂迸血。頂雖深陷。囊實根腫。而

色乾亦此氣血爲熱毒壅遏不得申其領載之權
以故陷而不起非寒凝不透尤非氣虛不峻也一
始事者不諳其理徒以升發爲事累日不起至六
朝驟然作痒手舞足蹈竭定痒之法而莫禁痘色
更晦頻頻乾嘔此翁計無所施謝絕去矣據農耒
成而痒沸症固危篤猶幸兩額擦而未破更憐其
未得對病之劑而竟棄之覺爲不忍先以胭脂膏
貼其兩額以必勝湯減桃仁地龍加黃連錢許蜜
炒麻黃二分臨服和大棗蟲二枚日服三頭汁大

便去三四次。俱如膠漆。伏毒一鬆。頭面卽脹。而痒遂定。上身亦起。又二劑。色轉紅活。而渴愈甚。體熱更熾。是毒火發見之象也。下身猶然板滯。減麻黃。加石膏。酷好橘。非此不藥。每服必五六匙。至十朝。漿足。下部亦鬆。減葛根。十二朝。頭漿飲。而身漿飲。飲食得進。神情未開。前方減蟬蛻。紫蟲。十六朝。諸症脫然。痂落過半。始易忍。冬解毒湯。調治未及兩日。身復炮熱。眉宇復愁。肩發一毒。周身泛疤。復加黃連赤芍。外又以牛黃化毒丹。日服錢許。至

廿四朝全愈。

附頂與色不侔治驗

朱石公兄五歲一孫痘初見點火熱如爐悶亂喘急昏暈如迷遺尿目閉正面一片礬紅隱隱細如針刺者目之有點按之無粒身上數點而色焦紫勢甚危篤所冀惟在初見以清涼攻毒飲重以大黃減犀角加地丁挑仁蟬蛻二劑後顙印透發成粒通身俱透點成顆而且回綻惟色紫滯神情半開又二劑顙印光澤身猶未轉外佐以大棗蟲四

朝紫漸變紅而未潤服及七朝頭面成漿周身放
白胃氣未開前方減桃仁紅花蟬蛻九朝思食而
壯熱未減盤暈焮紅重以生地兩許防其成火禍
也服及十二朝諸症貼然漸收漸褪後易忍冬解
毒湯而愈

由痘佳症惡

痘之吉凶世多還以痘準如稟粒圓綻盤暈肥紅更
兼踈朗八八日之爲順何虞其有覆敗之患哉不知
痘象雖佳症或凶暴若以痘美而致忽焉繼必痘隨

症變秀而不實矣。然症與痘俱由內而發。何痘既
若此。症又若彼耶。蓋痘出于險者。毒恒有隱見不同
發見處。則氣血暢達。領載其毒。痘故得以光壯隱伏
處。則氣血錮閉。毒無駕馭。橫症所以旁出。卽以痘觀
之。稀疎處可以數紀。稠密處無以容針。衝突處。至於
重頂陷伏處。過期不透。卽以症言之。體熱如烙者。皮
冷如冰。傾瀉如注者。條爾閉塞。毋惑乎痘無可虞而
有可畏之症矣。症不必多。美難勝。惡犯一痘忌。大局
隨之。順不嘉多。逆嫌一點。此之謂也。

附一治驗

陳錫甫兄七歲一公郎痘見三朝勻朗粗綻色甚肥紅而少淡痘象頗佳身却熾熱愁容可掬徹夜不寐云胸膈悶而不快假令傷食而然痘其不能煥發矣今紅而且深綠毒火湧盛氣血領載有及與不及所不及者毒在于內而故有此症以滌邪救苦湯減紅花澤瀉加地丁四劑後大便去三四次胸膈便爽睡臥亦安熱亦減半因痘可觀攻不敢過前方減大黃三劑至七朝前態復然痘覺停

濯求其故而未得。忽喉間冲冲欲吐。俄頃略出濃痰。干乃尊之手。痰熱如沸。以見攻之未可已也。前方倍以大黃二劑。通身放白。成漿。諸邪復退。惟熱未和。一方服及十二朝全愈。是痘因形色而忽其病。至變紫變黑而斃者。不可勝紀矣。

申明痘白雄標

痘若稀疎。其毒似輕。淡白則痘似不足。至于標痘。或紫或焦。或盤暈。或赤。中心黑陷。按之板實。是謂雄標。係一身痘瘡之主。主痘若此。則其稀者。諸痘爲梟毒。

抗拒也。致伏于內。故若稀。非毒輕也。白者。血爲毒鬱。不得外著。故白。非不足也。急宜刺之。吮出其毒。用胭脂膏貼。視其神情。內症輕者。以活血透毒。重則必攻。令毒根一鬆。通身透發。而白變爲紅矣。

附一治驗

凌長庚兄一孫。二歲。身不見熱。驚然左額一報痘。脚地扁闊。色赤而乾。中心黑陷。按之板實。身有三四點。似痘非痘。俱淡白色。已三日矣。寢食如常。神情如故。所以然者。以痘之所中有淺深。淺者其毒

鬆其出易形圓而色潤深則反是矣機雖萌動全體尚伏于包孕之地而未發故若未痘者然及所報之點却如此形色若不杜患于將來任其自至有越六七日或八九日有十數日外湧出如麻非紫黯卽椒紅而不可救藥矣有所謂等伴痘者卽此是也令將銀針挑破胭脂膏貼之以必勝湯減桃仁生地服及五劑日以大桑蟲一枚而身始熱大便連去三次通身透發痘得踈朗奪其勢於未成也窠囊尚不鬆泛又四劑圓綻光澤標痘根擡

頂腐神情愁楚以全軀毒湧未得成熟也前方減
葛根蟬蛻服及十二朝收功

申明飛漿

痘期十四日自放點以至落痂猶十二卦之陰陽消
長也當初出一點紅血初定位純陰坤卦之象陰極
陽生潮而復復而臨臨而泰三陽透于頂尖之上陽
交于陰氣會乎血痘故紅而變白五朝大壯六朝夬
七朝乾六陽呈象血受氣化而至純陽痘故白變爲
黃所謂七漿八足足則爲膿成膿而色自黃是痘之

應至而至。陰陽自然之理也。若未及三朝。諸痘未能
放白。數點驟然黃熟。緣爲烈毒所衝。故爾漿成迅速。
是謂飛漿。止一二點熱不甚熾者。以針挑之用。胭脂
膏封貼。但與涼血清解。自放白成漿矣。如其迭見不
已。熱如炮烙者。必攻。僅與清火涼血。終必焦紫。不能
救護者也。

附一治驗

洪崖王老先生一孫。三歲。漢章兄之公郎也。痘紅
一如絳。熱熾如火。徹夜不寐。急以涼隔攻毒飲。用生

地三錢。大黃錢許。日投三劑。三朝大解。僅二次劑。輕不能駕馭。頭面起二點飛漿。老黃如蠟。紅艷漸滯。前方用大黃三錢。生地七錢。石膏兩許。連接二劑。挑破飛漿。點以胭脂膏。是晚得臥。熱亦稍和。重劑減十分之三。五朝又起飛漿十數點。景色復然。仍以重劑。服至七朝。放白。八朝成漿。寢食俱安。惟熱未減。十朝漿老。頭面有欽意。紅暈未淡。十二朝足小肢起一癰如桃。夜復不寐。以胭脂膏敷其四圍。刺出其頂。一方至十六朝。出膿。諸症平復。口生

痘瘡。佐以消疳解毒散吹之。方易忍。冬解毒湯調治全愈。

申明泡湧

痘瘡氣盛則泡。氣盛者毒氣盛也。毒氣雄猛。反成遏鬱。遏鬱之極。內有衝突。以物極則反也。遏鬱處頂平頂陷。窠粒不聚。連肉亦有板實者。衝突處毒鋒如射。磨其鋒者囊隨毒起。泡之有白來矣。所起乃郭殼浮皮。不爲氣領。而囊故飄薄。不受血載。而根故無暈。氣血開鎖之極者。色白而囊空。氣得浮動者。內涵清水。

血得浮動者。水若醢魚。血內瘀者。其色紫。血幾于死者。其色黑。宛若一葶桃之形。有粗有細。酷肖其色。有白有紫有黑。而有若醢魚水色也。總爲毒氣衝突之使然。症屬不治。但於放點之時。窠粒不鬆。根無盤助者。知其泡所必至。卽以驅毒鬆肌。杜於未萌。斯爲良法。有膿成之後。過期不斂。膿化爲水。數粒相併。而若泡者。以針挑破。自乾。不爲泡論。

附一治驗

一施氏女。十三歲。痘患血熱氣滯。窠粒不鬆。紅盤。

肆溢徧體如霞以貧窘不事醫藥八朝湧泡幾三
分之一。餘俱平板九朝泡俱破傷其浮皮有如麥
殼破傷之色乾赤有如膚剝火熱如炮痛楚非常
衣衾難動症在垂斃厥父母哀號悲切余憐其坐
視以貧而就死地未免希援於望外以生地兩半
石膏一兩大黃三錢與衆藥同煎三錢臨起接下
餘佐以荆芥穗地丁赤芍山查青皮木通接下二
劑連解六七次破傷處俱有膿水濕潤平板者畧
覺鬆浮又二劑通身毒化成漿頓思飲食再劑而

熱減半。漸漸收結。發瘧發癰。以忍冬解毒湯全愈。